



In dumënia ai 02 de Otober él gnü sughé la cuinta partida dl campionat 2011/2012 de 3° categoria por La Val. La partida é gnüda sugada fora de ciasa cuntra la squadra da Mühlwald. En campo cunesciü, ulache al é ma na bataglia. La Val ne porta gnanca chësc turno trëi puné a ciasa, insciö vá inant la burta serie de sconfites, cun la terza partida zënza puné.

Tl prüm tēmp á La Val porvè da sughé cun en ater modulo 4-2-3-1. Cun i dui centrocampisc Ivan y Freddy che restâ dan la difesa y spo les fascas che drucâ sô deplü a sostēgn dl atacant sú Florian. Mo bel ti prüms menüç an udü che La Val se stentâ en püch da sughé bun la pala. Ince magari por via dl burt campo da erba cun en grüm de büsc che fajô insciö plü rî le control dla pala. Mo la partida é impó ala parai da mëter man.

Florian é le prüm che devënta prigorius cun na bela ponizium, che atoca bel avisa la traversa y vá sura fora. Deplü iadi röia i sogadusc tl area dl Mühlwald mo spo mancel l'ultima fredëza da tra te porta o passè ite a mez. I avversarsc prô scialdi cun lanci luné ai atacanc, da mëter in dificulté i difensursc da La Val. Mo ti contrasti de cé á prësc tres La Val la miú.

Mo spo mëtl man le gran cajn dl arbiter dër jonn (che é bel conesciü te chësc campionat, ulache al á sciurè fora en grüm de sogadusc cun amoniziuns y fischian dër mal). Al vëgn fischie en rigore cuntra La Val. Sön en calcio de punizium röia la pala al portier da La Val, Sepl vëgn fora mo dui sogadusc dl Mühlwald le blochèia (foss stè netto fallo sön le portier). En ater atacant dl Mühlwald se lascia jí te na mischia jô portera. L'arbiter fischia le rigore, "inesistente". Al vëgn damanè da pert dl La Val chiche á fat le fallo al arbiter. Mo al disc che al ne sa nia, mo rigore al impó fischie. Insciö se porta le Mühlwald sön le 1 a 0.

An cunësc bel avisa che la partida ti sciampa fora dles man al arbiter y insciö mëtl man da partí

fora gheles sön falli che ne foss gnanca. Al 35° fischiel cinamai la fin dl prüm tēmp y pëia ite ti spogliatoi. Mo spo se rēndl impó cunt che ara vá cíamò inant 10 menüc. An pó sceco dí che en te arbiter ne á mai cíamò abiné La Val, veramēter da sun sciampè. Dan che le prüm tēmp se ruvas tìrel cíamó fora na secunda ghela sön na cossa che degügn sá y sciüra fora en sogadú dl Mühlwald por soma de amoniziuns.

Sön na bela testa de disimpegno de Alex Alton rōia Florian da sú cuntra le portier, le difensur é cíamò bun da le scbilancè en pūch y insciö ne atoca nia cis bun Florian la pala, ince magari deache al ê sön le dērt. Le prüm tēmp se stlūsc jö sön le 1 a 0. Insce sce l'arbiter á fat sūa gran pert, La Val mēss ince udēi che ai ne á nia fat assá por jí in vantaje.

Tl secundo tēmp prô La Val da jí zoruch sön le 4-4-2. Al vëgn sughé 10 menüc y le Mühlwald fesc le 2 a 0. Cun na gran ponizun de potēza pūch defora dal'area. Sepl rōia sön le pal mo al ne é nia bun dala devié fora dl düt y la pala rōia bel avisa dlungia l'palo ite. Mo La Val crèi impó cíamò, almanco sön le pareggio. Ai mēt man da sughé en pū cun la pala basa y jö portera. Mo le gol garetá impò sön na punizun. Le pal rōia a Alex Alton, che cun en colp de testa é bun da fá gol. La ponizun é gnüda batüda scnela, insciö é stada la difesa dl Mühlwald nia preparada. Pūch dedò ti garetel le pareggio a La Val. Dô en bel dribbling de Florian, vëgnel mazè jö te area, rigore netiscimo. Florian se prejentēia sön i 11 metri y fesc gol. La Val á indô la partida tles mans. Le arbiter mēt man da ne capí indô nia, al fischia adüm en pössl mat, ince chi da Mühlwald ne capēsc gonot nia ciche al é o por cí che al fischia. Depü fuorigiochi inejistenti vëgn fischiá a La Val, ulache an éss podü jí da susc cuntra le portier. Freddy pro ince da fá gol, sön en beltacco de Romeo ciafel la pala fora dl'area, al é bun cun en paleggio da se tra inant, mo le tiro al volo rōia depūch dlungia le palo ia. Deplü sogadusc mēt man da sun ciantè sō un cun l'ater, insciö vëiga Ivan Tschaffert ince la secunda ghela y vëgn sciuré fora.

Le Mühlwald ciafa indô insciö coraje, dô avēi sughé düt le secundo tēmp in 10. Ala fin dla partida ti garetel insciö le 3 a 2, sön ne mischia te area vëgnel sburlé dmez en difensur, le arbiter ne vëiga nia y le atacant tira te porta dala picera area.

La partida se stlūsc jö sön le 3 a 2 por Mühlwald.

Na partida influenzada zigü dal arbiter che á fischié adüm en patüc mat, mai udü val de te.

Cun chisc trëi puné lasciá sön trú toma zoruch La Val al 9° post te tlassifica.

La formaziun titolara: Kantioler Sepl, Tavella Thomas, Alton Alex, Tavella Jordan, Sottara Werner, Frenes Michael, Tschaffert Ivan, Sottara Freddy, Rubatscher Romeo, Verginer Frnazi y Rubatscher Florian.

Sostituziuns:

Moling David por Verginer Franz

Elzenbaumer Alex por Frenes Michael

La proscima partida saral le derby da Rîl, speran che al se prejentëies en bun arbiter y che al sides na partida plü bela da ciarè prô por i tifosi.

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)